



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

A. Pictaven. Et R. Petragoricen. Episcopis, & Arnaldo Archidiacono
Petragor. Ecclesiae.

urn:nbn:de:hbz:466:1-20006

tia remanerent, quibus non solum ad simplices preces nostras, verum etiam nobis tacentibus deberet liberaliter provideri. Sanè (sicut ex literis venerabilis fratris nostri Episcopi & dilecti filii Archidiaconi Engolismen. accepimus) cùm ipsi à bona memoriae Celestino Papa prædecessore nostro mandatum apostolicum recepissent ut dilectum filium magistrum Willielmum de Marcheo scriptorem nostrum Canonicum instituerent in Ecclesia Pictavensi, contradictores excommunicationis sententia percellentes, iidem mandatum illud fuerunt, prout decuit, executi. Nos autem quod ab eis rationabiliter factum est approbantes, venerabili fratri nostro Pictavieni, Episcopo, tunc apud sedem apostolicam existenti, viva voce injunximus ut ipsum scriptorem illius canonica plena & pacifica faceret possessione gaudere. Ipse verò (quod grave gerimus plurimum & molestum) propter contradictionem quorundam Canonorum suorum, cùm nullum velit in suæ novitatis exordio molestare, id exequi prætermittit; licet de ipsius scriptoris, ut afferuit, promotione latetur. Nolentes igitur ut pro quorumlibet contradictione quod apostolica fuit auctoritate statutum, citra perfectionis terminos relinquatur, sed potius celeri compleatur effectu, per apost. vobis scripta mandamus, & districte præcipimus, quatenus prædictum scriptorem nostrum Canonicam ipsam, quam auctoritate apostolica est adeptus, faciat auctoritate nostra sublato contradictionis, occasionis, & appellatiois obstaculo, plenè & pacifice possidere; quoscunque contradictores vel rebelles inveneritis, per distinctionem ecclesie appell. postposita compescentes. Insuper quia prædicti Canonicci Pictavieni, quandam proposuere ordinationem de Canoniciis, ut dicitur, se facturos, prænominato Willielmo, prorsus exclusi; nos si quid in elusionem mandati apost. eo non admisso prius fuerit attentatum penitus irritantes, volumus nihilominus & mandamus ut ipsis auctoritate nostra curetis districtius inhibere ne in illa procedere ordinatione præsumant, donec mandatum nostrum de prefato Willielmo, secundum formam præscriptam fuerit adimpletum: scituri quod sicut gratum nobis plurimum & acceptum existet, si mandatum nostrum per vos dili-

genti fuerit executioni mandatum, ita dolebimus, nec poterimus in patientia sustinere, si in executione illius negligentes inventi fueritis & remissi. Nullis literis obstantibus, si quæ apparuerint harum tenore tacito &c. Quod si omnes, duo vestrum &c. Datum Romæ ut suprà II. Non. Maij.

A. PICTAVEN. E T R.
Petratoricen. Episcopis, & Arnaldo
Archidiacono Petragoy. Ecclesie.

In sinuatio dilecti filii Ay. Abbatis Cadunien. nobis exposita patefecit, quod cum ab antiquo abbatia Cadunien. non solum pastorem, sed etiam habitum & regularem observantiam de Cistercien. ordine suscepisset, tam in temporalibus quam in spiritualibus coelestium donorum proficiens incrementis, tandem per quoddam indisciplinatos filios voluntatis propriae sectatores, qui cervices suas indomitas ab illo jugo suavi & salutari minus licenter excutere præsumpsere, ad tantæ desolationis miseriā peccatis exigentibus jam devonit, ut à malitia inhabitantium in ea (sicut testimonio plurimorum didicimus) defecatum minetur pariter & ruinam. Volentes igitur tantæ dissolutiōnis materiam per vestram sollicitudinem amputari, discretioni vestra per apostolica scripta præcipiendo mandamus, quatenus ad locum pariter accedentes, quicquid corrigendum inveneritis, tam in capite, quam in membris, auctoritate fretri apostolica, solum Deum habentes pra oculis, corrigatis, & monitione diligenti præmissa, ut ad ordinem Cistercien. redeant, a quo formam religionis sumperunt, ad emendationem ipsius loci, tam in capite, quam in membris, prout expedire videritis, procedatis; quod statueritis facientes per censuram ecclesiasticam nullius contradictione vel appellatione obstante firmiter observari; sollicitè satagentes ut conspirationes & vitium proprietatis radiciter extirpetur. In quo si quis monachorum moriens fuerit vel fratrum inventus, Christiana careat sepultura. Nullis obstantibus literis &c. veritate tacita imperata. Quod si omnes &c. duo vestrum &c. Datum ut suprà VI. Idus Maij.

Epiſt. 146.
Vt Cadunicis
deformatum
monasterium
instauarent.
Vide lib. 2. epift.
144.